

*წარმომადგენლობითი საბჭოს სხდომის
ოქმი №15*

ქ. თბილისი

03.10.2008 წ.

დღის წესრიგი:

1. ივანე ჯავახიშვილის სახელობის თბილისის სახელმწიფო უნივერსიტეტსა და აიდაძოს (აშშ) უნივერსიტეტის ერთობლივი სამეცნიერო კვლევითი ინსტიტუტის შექმნის შესახებ.
2. აკადემიური პერსონალის მინიმალური პედაგოგიური დატვირთვის შესახებ.
3. იურიდიულ ფაკულტეტზე სრული და ასოცირებული პროფესორის შრომის ანაზღაურების ოდენობის დადგენის შესახებ.
4. აკადემიური საბჭოს წევრთა არჩევის წესის დამტკიცების შესახებ.

სხდომას ესწრებოდა:

წარმომადგენლობითი საბჭო – 19 წევრი;

თსუ-ს რექტორი, პროფ. გიორგი ხუბუა, ადმინისტრაციის ხელმძღვანელი გულნაზი გალდავა და ფაკულტეტების დეკანები.

1. წარმომადგენლობითი საბჭოს სპიკერმა კახაბერ ლორიამ საბჭოს დასამტკიცებლად წარუდგინა თსუ-ს აკადემიური საბჭოს 2008 წლის 14 ივლისის №103 დადგენილება ივანე ჯავახიშვილის სახელობის თბილისის სახელმწიფო უნივერსიტეტისა და აიდაძოს (აშშ) უნივერსიტეტის ერთობლივი სამეცნიერო კვლევითი ინსტიტუტის შექმნის შესახებ.

აღნიშნულ საკითხზე გაიმართა კენჭისყრა:

კენჭისყრის შედეგი:

მომხრე – 19;

წინააღმდეგი – 0;

თავი შეიკავა – 0;

გადაწყვეტილება წარმომადგენლობითი საბჭოს მიერ ერთხმად იქნა მიღებული.

მიღებული გადაწყვეტილება:

დამტკიცდეს თსუ-ს აკადემიური საბჭოს 2008 წლის 14 ივლისის №103 დადგენილება ივანე ჯავახიშვილის სახელობის თბილისის სახელმწიფო უნივერსიტეტისა და აიდაჰოს (აშშ) უნივერსიტეტის ერთობლივი სამეცნიერო კვლევითი ინსტიტუტის შექმნის შესახებ.

2. წარმომადგენლობითი საბჭოს სპიკერმა კახაბერ ლორიამ საბჭოს დასამტკიცებლად წარუდგინა თსუ-ს აკადემიური საბჭოს 2008 წლის 08 სექტემბრის №122 დადგენილება ივანე ჯავახიშვილის სახელობის თბილისის სახელმწიფო უნივერსიტეტის აკადემიური პერსონალის მინიმალური დატვირთვის განსაზღვრის შესახებ.

აღნიშნულ საკითხზე გაიმართა კენჭისყრა:

კენჭისყრის შედეგი:

მომხრე – 19;

წინააღმდეგი – 0;

თავი შეიკავა – 0;

გადაწყვეტილება წარმომადგენლობითი საბჭოს მიერ ერთხმად იქნა მიღებული.

მიღებული გადაწყვეტილება:

დამტკიცდეს თსუ-ს აკადემიური საბჭოს 2008 წლის 08 სექტემბრის №122 დადგენილება ივანე ჯავახიშვილის სახელობის თბილისის სახელმწიფო უნივერსიტეტის აკადემიური პერსონალის მინიმალური დატვირთვის განსაზღვრის შესახებ წარმოდგენილი სახით.

3. წარმომადგენლობითი საბჭოს სპიკერმა კახაბერ ლორიაშვილმა საბჭოს დასამტკიცებლად წარუდგინა თსუ-ს აკადემიური საბჭოს 2008 წლის 23 სექტემბრის №135 დადგენილება იურიდიულ ფაკულტეტზე სრული და ასოცირებული პროფესორის შრომის ანაზღაურების ოდენობის დადგენის შესახებ.

აღნიშნულ საკითხთან დაკავშირებით საბჭოს წინაშე სიტყვით გამოვიდა იურიდიული ფაკულტეტის დეკანის მოვალეობის შემსრულებელი ირაკლი ბურდული, რომელმაც ისაუბრა ფაკულტეტზე შრომითი ანაზღაურების სისტემის შემოღების მიზანშეწონილობასა და ეფექტიანობაზე.

გაიმართა დისკუსია აღნიშნულ საკითხზე, რომელშიც მონაწილეობა მიიღეს წარმომადგენლობითი საბჭოს წევრებმა: გ. გოგსაძემ, ე. მექვაბიშვილმა, დ. მელიქიშვილმა, კ. გელაშვილმა, ასევე თსუ-ს რექტორმა გიორგი ხუბუამ და ადმინისტრაციის ხელმძღვანელმა გულნაზი გალდავამ.

გამოთქმული მოსაზრებების შედეგად, მიღწეული იქნა შეთანხმება, რომ წარმოდგენილი შრომის ანაზღაურების სისტემა მნიშვნელოვნად წინგადადგმული ნაბიჯია და იგი უნდა იქნას მხარდაჭერილი.

აღნიშნულ საკითხზე გაიმართა კენჭისყრა:

კენჭისყრის შედეგი:

მომხრე – 19;

წინააღმდეგი – 0;

თავი შეიკავა – 0;

გადაწყვეტილება წარმომადგენლობითი საბჭოს მიერ ერთხმად იქნა მიღებული.

მიღებული გადაწყვეტილება:

დამტკიცდეს თსუ-ს აკადემიური საბჭოს 2008 წლის 23 სექტემბრის №135 დადგენილება იურიდიულ ფაკულტეტზე სრული და ასოცირებული პროფესორის შრომის ანაზღაურების ოდენობის დადგენის შესახებ წარმოდგენილი სახით.

4. წარმომადგენლობითი საბჭოს სპიკერმა კახაბერ ლორიამ საბჭოს დასამტკიცებლად წარუდგინა თსუ-ს აკადემიური საბჭოს 2008 წლის 30 სექტემბრის №141 დადგენილება ივანე ჯავახიშვილის სახელობის თბილისის სახელმწიფო უნივერსიტეტის აკადემიურ საბჭოს წევრთა არჩევის წესის შესახებ.

გაიმართა დისკუსია აღნიშნულ საკითხზე. გამოითქვა გარკვეული შენიშვნები და მოსაზრებები წარმოდგენილ დოკუმენტთან დაკავშირებით. კერძოდ, ის, რომ არ არის გათვალისწინებული საარჩევნო კომისიის მიერ გადაწყვეტილების მიღების წესი, რაც უნდა დაემატოს დოკუმენტს მე-2 მუხლის მე-6 პუნქტის სახით: “საარჩევნო კომისია გადაწყვეტილებას იღებს დამსწრე წევრთა უმრავლესობით. საარჩევნო კომისიას გადაწყვეტილების მიღება შეუძლია, თუ მას ესწრება კომისიის წევრთა ნახევარზე მეტი”, ხოლო მე-4 მუხლი - არჩევნების ჩატარება ჩამოყალიბდეს შემდეგი სახით: “1. აკადემიური საბჭოს არჩევნებში ხმის მიცემის უფლება აქვს ფაკულტეტების აკადემიური პერსონალის ყველა წევრსა და ფაკულტეტის საბჭოს წევრ სტუდენტთა თვითმმართველობის წარმომადგენლებს.

2. აკადემიურ საბჭოში არჩეულად ითვლება საუკეთესო შედეგის მქონე იმდენი კანდიდატი, რაც დადგენილია რექტორის ინდივიდუალური ადმინისტრაციულ-სამართლებრივი აქტით შესაბამისი ფაკულტეტისათვის.
3. აკადემიური საბჭო ცნობს არჩეული წევრის უფლებამოსილებას.
4. აკადემიური საბჭოს წევრად აირჩევა პროფესორი, გარდა ასისტენტ-პროფესორისა”.

აღნიშნულ საკითხზე გაიმართა კენჭისყრა:

კენჭისყრის შედეგი:

მომხრე – 19;

წინააღმდეგი – 0;

თავი შეიკავა – 0;

გადაწყვეტილება წარმომადგენლობითი საბჭოს მიერ ერთხმად იქნა მიღებული.

მიღებული გადაწყვეტილება:

დამტკიცდეს თსუ-ს აკადემიური საბჭოს 2008 წლის 30 სექტემბრის №141 დადგენილება ივანე ჯავახიშვილის სახელობის თბილისის სახელმწიფო უნივერსიტეტის აკადემიურ საბჭოს წევრთა არჩევის წესის შესახებ გამოთქმული შენიშვნის გათვალისწინებით.

წარმომადგენლობითი საბჭოს

სპიკერი

სხდომის მდივანი



კახაბერ ლორია

ავთანდილ აბდუშელიშვილი

დამტკიცებულია თსუ-ს წარმომადგენლობითი საბჭოს გადაწყვეტილებით (სხდომა №15, 03.10.2008).

წარმომადგენლობითი საბჭოს სპიკერი კახაბერ ლორია



ივანე ჯავახიშვილის სახელობის თბილისის სახელმწიფო უნივერსიტეტის აკადემიურ საბჭოს წევრთა არჩევის წესი

მუხლი 1. არჩევნების გამოცხადება

1. ივანე ჯავახიშვილის სახელობის თბილისის სახელმწიფო უნივერსიტეტის აკადემიურ საბჭოს წევრთა არჩევნებს ნიშნავს აკადემიური საბჭოს თავმჯდომარე – რექტორი ინდივიდუალური ადმინისტრაციულ-სამართლებრივი აქტის საფუძველზე.
2. რექტორის ინდივიდუალურ-სამართლებრივი აქტი აკადემიური საბჭოს წევრთა არჩევნების შესახებ უნდა იყოს ყველასათვის ხელმისაწვდომი და საჯარო გაცნობის მიზნით გამოიკრას თვალსაჩინო ადგილას.

მუხლი 2. საარჩევნო კომისია და მისი უფლებამოსილება

1. არჩევნების ჩატარების მიზნით იქმნება ივანე ჯავახიშვილის სახელობის თბილისის სახელმწიფო უნივერსიტეტის საარჩევნო კომისია.
2. საარჩევნო კომისიის წევრთა რაოდენობა არის კენტი. საარჩევნო კომისიის წევრთა რაოდენობა და შემადგენლობა განისაზღვრება რექტორის ინდივიდუალური ადმინისტრაციულ-სამართლებრივი აქტით.
3. საარჩევნო კომისია უფლებამოსილია, მიიღოს ყველა გადაწყვეტილება არჩევნების საორგანიზაციო საკითხებთან დაკავშირებით.
4. საარჩევნო კომისიის თავმჯდომარე აირჩევა კომისიის პირველ სხდომაზე მისი შემადგენლობიდან კომისიის წევრთა ხმათა უმრავლესობით, ფარული კენჭისყრით. საარჩევნო კომისიის თავმჯდომარე ხელმძღვანელობს კომისიის სხდომებს, ხელს აწერს კომისიის მიერ მიღებულ გადაწყვეტილებებს.
5. საარჩევნო კომისიის მდივნად აირჩევა კომისიის ნებისმიერი წევრი კომისიის პირველივე სხდომაზე, ფარული კენჭისყრით, დამსწრეთა უმრავლესობით. კომისიის მდივანი ადგენს კომისიის დღის წესრიგს და სხდომის ოქმებს, რეგისტრაციაში ატარებს საარჩევნო კომისიაში შეტანილ კორესპოდენციას, რეგისტრაციაში ატარებს არჩევნებში მონაწილეობის მსურველ კანდიდატებს და აძლევს მათ შესაბამის მოწმობებს, ადგენს არჩევნების შემაჯამებელ ოქმებს და ახორციელებს მისთვის მინიჭებულ სხვა უფლებამოსილებებს.
6. საარჩევნო კომისია გადაწყვეტილებას იღებს დამსწრე წევრთა უმრავლესობით. საარჩევნო კომისიას გადაწყვეტილების მიღება შეუძლია, თუ მას ესწრება კომისიის წევრთა ნახევარზე მეტი.

მუხლი 3. ინტერესთა შეუთავსებლობა

საარჩევნო კომისიის წევრი არ შეიძლება იყოს ადმინისტრაციული პერსონალის წევრი, აგრეთვე, მართვის ორგანოს წევრობის კანდიდატი.

მუხლი 4. არჩევნების ჩატარება

1. აკადემიური საბჭოს არჩევნებში ხმის მიცემის უფლება აქვს ფაკულტეტების აკადემიური პერსონალის ყველა წევრსა და ფაკულტეტის საბჭოს წევრ სტუდენტთა თვითმმართველობის წარმომადგენლებს.

2. აკადემიურ საბჭოში არჩეულად ითვლება საუკეთესო შედეგის მქონე იმდენი კანდიდატი, რაც დადგენილია რექტორის ინდივიდუალური ადმინისტრაციულ-სამართლებრივი აქტით შესაბამისი ფაკულტეტისათვის.
3. აკადემიური საბჭო ცნობს არჩეული წევრის უფლებამოსილებას.
4. აკადემიური საბჭოს წევრად აირჩევა პროფესორი, გარდა ასისტენტ-პროფესორისა.

მუხლი 5. არჩევნების ორგანიზება და ჩატარების წესი

1. კანდიდატს უფლება აქვს ჩაატაროს წინასაარჩევნო კამპანია. წინასაარჩევნო კამპანიის წარმართვისას ყველა კანდიდატი სარგებლობს თანასწორი უფლებით.
2. არჩევნების დღეს იკრძალება კამპანიისა და აგიტაციის წარმოება.
3. წინასაარჩევნო კამპანიასა და აგიტაციაში მონაწილეობის მიღების უფლება არ აქვთ:
 - საარჩევნო კომისიის წევრებს
 - ადმინისტრაციულ პერსონალს
4. წინასაარჩევნო აგიტაცია და კამპანია შეიძლება განხორციელდეს სხვადასხვა ღონისძიებების ჩატარებით (კრებები და შეხვედრები ამომრჩევლებთან, საჯარო დებატები და დისკუსიები), ბეჭდური სააგიტაციო მასალების გამოცემა-გავრცელებით, წინასაარჩევნო მოწოდებებით, აგრეთვე კანონმდებლობით ნებადართული ნებისმიერი სხვა საშუალებით. აკრძალულია მათი გავრცელებისათვის ხელის შეშლა.
5. წინასაარჩევნო აგიტაციამ და კამპანიამ არ უნდა შეუშალოს ხელი სასწავლო პროცესს.

მუხლი 6. საარჩევნო სიები

1. საარჩევნო სიებს ამტკიცებს საარჩევნო კომისია პერსონალის მართვის, სასწავლო დეპარტამენტისა და შესაბამისი ფაკულტეტის წარდგინების საფუძველზე.
2. ფაკულტეტის საარჩევნო სია გადაეცემა საარჩევნო კომისიას.

მუხლი 7. არჩევნების პროცედურა

1. საარჩევნო ბიულეტენის ფორმას ამტკიცებს საარჩევნო კომისია.
2. ამომრჩევლის მიერ ხმის მიცემა ხორციელდება საარჩევნო ბიულეტენზე სათანადო აღნიშვნით და საარჩევნო ბიულეტენის საარჩევნო ყუთში მოთავსებით.
3. საარჩევნო ბიულეტენზე აღინიშნება:
 - შესაბამისი ფაკულტეტის სახელწოდება
 - საარჩევნო კანდიდატების ჩამონათვალი
4. საარჩევნო ბიულეტენი გაიცემა პირზე, მხოლოდ შესაბამისი დამადასტურებელი დოკუმენტის წარდგინის შემთხვევაში.
5. კენჭისყრის დღეს ფაკულტეტის ამომრჩეველი საარჩევნო კომისიის რეგისტრატორისგან იღებს შესაბამის საარჩევნო ბიულეტენს, რასაც ადასტურებს ამომრჩეველთა სიაში მისი გვარის გასწვრივ ხელმოწერით. ამის შემდეგ ამომრჩეველი მიდის ხელმომწერ კომისიის წევრთან, რომელიც საარჩევნო ბიულეტენის შესაბამის გრაფაში აწერს ხელს. შემდეგ ამომრჩეველი შედის სპეციალურად მოწყობილ საარჩევნო კაბინაში, მას შემდეგ, რაც წრიულად შემოხაზავს მისთვის სასურველ 1 კანდიდატურას, აგდებს საარჩევნო ბიულეტენს საარჩევნო ყუთში. კაბინად შეიძლება ჩაითვალოს აგრეთვე ნებისმიერი განცალკევებული ადგილი, სადაც ხმის მიცემის ფარულობა დაცული იქნება.

მუხლი 8. არჩევნების შედეგების შეჯამება

1. კენჭისყრა მთავრდება არჩევნების დღეს 17 საათზე.
2. კენჭისყრის დასრულების შემდეგ საარჩევნო კომისიის წევრები ითვლიან საარჩევნო სიებში ხელმოწერების მიხედვით არჩევნებზე გამოცხადებულ ამომრჩეველთა რაოდენობას ცალ-ცალკე, რაც ფიქსირდება შესაბამის შემაჯამებელ ოქმში, რომელშიც აისახება არჩევნებში მონაწილე ყველა კანდიდატის მიერ მიღებული ხმების რაოდენობა
3. არჩევნები ჩატარებულად ითვლება, თუ გამოცხადდა ამომრჩეველთა სიებში შეტანილ ამომრჩეველთა 1/3 მაინც.
4. არჩევნებზე გამოცხადებულ ამომრჩეველთა რაოდენობის დათვლის შემდეგ იხსნება საარჩევნო ყუთი და კომისიის წევრები ითვლიან საარჩევნო ბიულეტენებს.
5. საარჩევნო ბიულეტენი ბათილია, თუ:
 - ა) არ აღმოჩნდა საარჩევნო ბიულეტენზე ხელმოწერი კომისიის წევრის ხელმოწერა;
 - ბ) თუ არ არის შემოხაზული არც ერთი კანდიდატურა;
 - გ) თუ შემოხაზულია ერთზე მეტი კანდიდატურა;
 - დ) თუ შეუძლებელია გაირკვეს, რომელ კანდიდატს მისცა ხმა ამომრჩეველმა.
6. ხმების დათვლისთანავე ივსება შემაჯამებელი ოქმი, რომელშიც შეიტანება შემდეგი მონაცემები:
 - ა) ფაკულტეტის ამომრჩეველთა რაოდენობა სიების მიხედვით;
 - ბ) არჩევნებზე გამოცხადებულ ამომრჩეველთა რაოდენობა საარჩევნო სიებში ამომრჩეველთა ხელმოწერების მიხედვით;
 - გ) საარჩევნო ყუთში აღმოჩენილი საარჩევნო ბიულეტენების საერთო რაოდენობა;
 - დ) თითოეული კანდიდატის მიერ მოპოვებული ხმების რაოდენობა;
 - ე) კომისიის ყველა წევრის ხელმოწერა.

მუხლი 9. დამკვირვებელი

1. არჩევნების პროცესზე დაკვირვების მიზნით ფიზიკური და იურიდიული პირები უფლებამოსილნი არიან არჩევნების არა უგვიანეს 3 დღით ადრე მიმართონ დაწესებულების საარჩევნო კომისიას დამკვირვებლის სტატუსის მოსაპოვებლად.
2. იურიდიული პირი არჩევნებში დამკვირვებლის სტატუსს განახორციელებს მისი წარმომადგენლის მეშვეობით, რომელთა ვინაობა მიეთითება დამკვირვებლის სტატუსის მოსაპოვებლად წარდგენილ განცხადებაში.
3. პირი არ დაიშვება დამკვირვებლად, თუ იგი არის:
 - ა) ასარჩევი კანდიდატი
 - ბ) ადმინისტრაციული პერსონალის წევრი
 - გ) იმ ფაკულტეტის ამომრჩეველი, სადაც ითხოვს დამკვირვებლად მონაწილეობას.
4. დამკვირვებელი უფლებამოსილია დაესწროს საარჩევნო კომისიის მუშაობას არჩევნების დღეს და საჩივრის განხილვის პროცესში. დარღვევის აღმოჩენის შემთხვევაში მიუთითოს კომისიის თავმჯდომარეს და მოითხოვოს დარღვევის აღკვეთა.
5. დამკვირვებელი ვალდებულია ხელი არ შეუშალოს არჩევნების ჩატარებას.
6. საარჩევნო კომისიები ვალდებული არიან ხელი არ შეუშალონ დამკვირვებელს.

მუხლი 10. დარღვევის ოქმი

- არჩევნების დღეს ამ დადგენილებით დადგენილი წესის დარღვევის გამოვლენის შემთხვევაში კანდიდატი, დამკვირვებელი, საარჩევნო კომისიის წევრი, ან შესაბამისი ფაკულტეტის ამომრჩეველი უფლებამოსილია შეადგინოს დარღვევის ოქმი, რომელშიც მიეთითება:
- ა) ოქმის შემდგენი პირის სახელი, გვარი, მისამართი;

- ბ) ოქმის შემდგენი პირის სტატუსი;
- გ) დარღვევის შინაარსი;
- დ) დარღვევის დაფიქსირების დრო;
- ე) საარჩევნო კომისიის თავმჯდომარის ხელმოწერა, ან აღნიშვნა მის ხელმოწერაზე უარის თქმის შესახებ;
- ვ) ოქმის შემდგენი პირის მოთხოვნა;
- ზ) ოქმის შემდგენი პირის ხელმოწერა.

მუხლი 11. არჩევნების შედეგების გამოცხადება
არჩევნების შედეგები ცხადდება არჩევნების დღეს. საარჩევნო კომისია ვალდებულია ყველასათვის ხელმისაწვდომ ადგილას გამოაკრას არჩევნების შედეგების აქტი.

- მუხლი 12. არჩევნების შედეგების გასაჩივრება
1. არჩევნების შედეგების გამოცხადებიდან 24 საათის განმავლობაში კანდიდატს, დამკვირვებელს, ფაკულტეტის საარჩევნო კომისიის წევრს, ან შესაბამისი ფაკულტეტის ამომრჩეველს უფლება აქვს შეიტანოს საჩივარი საარჩევნო კომისიაში. ამ ვადის გასვლის შემდეგ საჩივარი არ მიიღება.
 2. საარჩევნო კომისია ვალდებულია საჩივრის შეტანიდან 3 დღის განმავლობაში განიხილოს საჩივრები და მიიღოს სათანადო გადაწყვეტილება

- მუხლი 13. საბოლოო შედეგების გამოქვეყნება
1. საარჩევნო კომისია არჩევნების შედეგებს ამტკიცებს შემაჯამებელი აქტით.
 2. არჩევნების საბოლოო შედეგები ძალაში შედის გამოქვეყნებისთანავე.